



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՈՍՏԻԿԱՆՈՒԹՅԱՆ ՎԱՅՈՑ ՁՈՐԻ
ՄԱՐԶԱՅԻՆ ՎԱՐՉՈՒԹՅԱՆ
ԶԵՐՄՈՒԿԻ ԲԱԺԻՆ

3701, ք. Զերմուկ, Մյասնիկյան 3 հեռ.ֆաքս /010/ 59.06.38, /0287/ 2.14.42

N 84/ 244

« 18 » 02 2020թ.

[REDACTED]

Ձեր 06.02.2020 թ. հարցմանն ի պատասխան տեղեկացնում ենք, որ ՀՀ վարչական դատարանը թիվ ՎԴ/9786/05/18 գործով կայացրած և օրինական ուժի մեջ մտած վճռով ոստիկանությանը պարտավորեցրել է վերացնել հայցվորին սեփականության իրավունքով պատկանող անշարժ գույքերի տարածք կատարած ներխուժումները:

Դեռևս 2019 թ. մայիսի 21-ին ոստիկանության Վայոց ձորի մարզային վարչության ծառայողները այցելել են Վայոց ձորի մարզի Գնդեվազ գյուղին հարակից՝ «Լիդիան Արմենիա» ընկերությանը պատկանող անշարժ գույքի տարածք, որտեղ առկա են եղել բնապահպան ակտիվիստներին փաստացի պատկանող շարժական վագոն տնակները: Իրականացված բացատրական աշխատանքների արդյունքում, ոստիկանության կողմից տարածք բերված վերամբարձ կռունկի և այլ ծանր տեխնիկայի միջոցով տնակները հանվել են ընկերության տարածքից և տեղադրվել Գնդեվազ-Զերմուկ ավտոճանապարհի մոտ:

Չնայած դրան, ընկերությունը զրավոր անհամաձայնություն է հայտնել ոստիկանություն՝ հայտարարելով, որ տնակները միևնույն է գտնվում են իրենց պատկանող տարածքում:

ՀՀ ոստիկանության Վայոց ձորի մարզային վարչության Զերմուկի բաժինը 30.05.2019թ. համապատասխան միջնորդությամբ դիմել է Զերմուկ համայնքի ղեկավարին՝ խնդրելով աջակցել Մ-2 Գնդեվազ-Զերմուկ Հ-43 ճանապարհի ՌԵՆԿՈ –կմ9+200 և թիվ 28 տեղամաս-կմ 8+00 հատվածներում ներկայացված կորդինատներով անշարժ գույքային միավորների նշահարման աշխատանքներին: Զերմուկ համայնքի ղեկավարի միջնորդությամբ 01.06.2019թ. ապահովվել է «Գեոդեզիա և քարտեզագրություն» ՊՈԱԿ-ի որակավորում

ունեցող աշխատակիցների ներկայությունը Ջերմուկ համայնքի Գնդեվազ գյուղին հարակից՝ խնդրո առարկա տարածքներում:

Ոստիկանության կողմից նախապես կապ է հաստատվել «Լիդիան Արմենիա» ընկերության աշխատակցի հետ, առաջարկել մասնակցել հողամասերի նշագրման և չափագրման աշխատանքներին, սակայն վերջինս հղում անելով ղեկավարության թույլտվության բացակայությանը, հրաժարվել է մասնակցությունից:

01.06.2019թ., այցելելով տեղանք, ոստիկանության ծառայողների ղեկավարությամբ և անմիջական մասնակցությամբ որակավորված մասնագետը հատուկ չափիչ գործիքների օգնությամբ իրականացրել է գույքային միավորների նշահարում տեղանքում:

Ամբողջ գործընթացը տեսագրվել է ոստիկանության կողմից, կատարված գործողությունների բոլոր մանրամասները և մասնագետին առաջադրված հարցերը արտացոլվել են կազմված արձանագրություններում, որոնք ստորագրել են գործողության մասնակիցները: Արդյունքում, մասնագետ գեոդեզիստի կողմից կազմվել են տեղանքի երկու քարտեզներ, որոնցում հստակ երևում են վճռում նշված կորդինատներով գույքի և շարժական տնակների դասավորությունը տեղանքում՝ իրական ժամանակի մեջ: Մասնագետի կողմից ստորագրված 05.06.2019թ. եզրակացության համաձայն՝ 1-ին դեպքում տրված կորդինատներով կետը գտնվում է Գնդեվազ-Ջերմուկ ավտոճանապարհի վրա, իսկ երկու շարժական տնակները դրանից 183 մետր հյուսիս-արևելք: Երկրորդ դեպքում՝ տրված կորդինատներով կետը գտնվում է Գնդեվազ-Ջերմուկ ավտոճանապարհի եզրին՝ շարժական տնակից 15 մետր դեպի հյուսիս:

Այսպիսով, պարզվել է, որ շարժական տնակները չեն գտնվում ընկերությանը պատկանող անշարժ գույքային միավորների տարածքում, ինչպես նաև այդ հողամասերում բացակայում են ֆիզիկական անձինք, հետևապես՝ ներխուժում առկա չէ:

Վերոգրյալից ելնելով, հայտնում ենք, որ թիվ ՎԴ/9786/05/18 գործով կայացրած դատական ակտի պահանջները ոստիկանության կողմից ամբողջությամբ կատարվել են:

Ոստիկանության Վայոց ձորի մարզային վարչության Ջերմուկի բաժնում «Լիդիան Արմենիա» ՓԲ ընկերության հետ ՀՀ դատարանների վճիռների հետ կապված այլ դատական գործեր չեն եղել:

Պետ,
Ոստիկանության մայոր՝



Ա.Արմենակյան